



UNIVERSITÄTS-
BIBLIOTHEK
PADERBORN

Universitätsbibliothek Paderborn

Newe Predicanten Practica/ vnd Prognosticon

[Helmstedt], 1592

VD16 N 583

Krebs.

urn:nbn:de:hbz:466:1-35550

der Kirchen nicht viel schaden/ simplicisten, müste
auch ein schlechter Teuffel seyn der sie fürchē würde.

Zwilling.

Bringen fleißige-fröliche/gelehrte/possierliche/
wolspredigtige Köpff/die hohes Gemüts / vnd gute
Musici seyn/wirt ein solcher Predicant / so schwäzt
er mehr dann ihm gebürt/ vnd sagt vns Pfaffen vnd
Papisten die Warheit / vnd lesen dann solche Gesel-
ten nicht Diuum Thomam oder andere Scholasti-
cos, dann sie meinen/dieweil sie der Dünckel gebissen/
sie wissen mehr dann alle Vorfahren / drum machet
man gewönllich superbienten auß inen / da brauchen
sie dann ihres Zeichens gaben recht/gelehrt vermei-
nen sie zu seyn/wann sie das chaos (solte sagen Tho-
mos Lutheri) gelesen haben/Possen reißen sie heym
Wein vnd in Gastereyen/geschwägig seynd sie/wann
sie auff's Hölzlin kommen/oder sonst auff irem Mist
seyn/ein hochtragens Gemüth haben sie durch auß/
man sagt/die anfenglichen Lutherischen seyen in die-
sem Zeichen geborn/aber weil die Glaccianer demü-
tiger seyn wollen/dann sie sich puffen vnd minimos
(das kleine Heuffel/die wenigsten) respectu Maioris
& Maximi nennen/darumb haben sie auch andere
Zeichens influentz.

Krebs.

Ist ein schröcklichs vnd tödelichs Zeichen zu
Wasser vnd Landt / drowet gewönllich mehr dann

Predicanten

einerley Todt/in dem seynd vil Widertäuffer vorab
weiland zu Münster / vnd die Gößen im Niderlande
geborn/i præ sequar: dicit Cancer, es hat alles bey
ihnen den Krebsgang.

Löw.

Macht hitzige vnd gefressige Leut / die nicht viel
sparen/mehr verthun dan sie haben/sich mit Schuld-
den belästigen / vnd kaum das Grabgelt vbrig lassen/
darüber dann die verlassene Predicanten kinder / vnd
Köchin/auch die Triß gar auß/oder Fiscales vnd Of-
ficiales sehr klagen.

Jungfraw.

Liebt Gerechtigkeit / erhebt zu ehren vnd digni-
teten / gibt gerechte Richter vnd fromme Regenten/
erheit zucht/Keuschheit vnd Geistlichkeit. In diesem
Zeichen wirdt kein Predicant noch Lutran geboren/
dann wenig Gerechtigkeit bey ihnen zu finden/sie kom-
men auch zu schlechten digniteten/wiewol sie es höch-
lich begeren / sie achten der Keuschheit so gar nicht/
daß sie nicht wissen was stete Jungfrawschafft sey/
dann sie die Jugend bey zeiten zu der Ehe bereden/
vnd darumb nennen sie das meiste theil irer Predig-
ten/Kinderlehr/dann Kinder lehren Kinder/wie sie
Kinder machen/vnd also ein Kindische Welt erhal-
ten/vnd Kindische Werck brauchē sollen/vnd derhal-
ben kommen de Junge Leut also willig in ire Predig-
ten